



雲南勘界籌邊記下卷目錄

電稟王制軍三件

電稟譚中丞

上王制軍說帖一

上王制軍說帖二

上王制軍說帖三

上王制軍說帖四

上王制軍說帖五

寄薛星使節略

上王制軍說帖二件

籌邊記下 目錄

上王制軍說帖

上王制軍說帖

上王制軍說帖三件

稟總署堂憲

復薛星使書


再復薛星使書

寄薛星使書

此卷係初到滇時所上方略為多猶在張黃兩千總未撤之先野人山以外大金沙江以內皆兩千總孤軍駐守之地也綢繆牖戶事非甚難制軍原深以為



然第欲商之中丞不居獨斷之名迺善後局司道史
湯兩君別有成見盡力阻撓直俟至張鎮鄒守招引
外人過江入山而後上臺亦無從措手矣可慨也夫
文棟又識



籌邊記下 目錄

電稟王制軍三件

督憲鈞鑒野人山保商勇丁請電飭張鎮緩撤容面稟洋

情文棟馳稟

四月初六日蠻隴發

督憲鈞鑒野人山為滇西門戶地險難攻先據者勝張黃

兩干總委辦保商已通至老蠻暮江口請勿中輟大局萬

幸文棟叩稟

初十日蠻允發以上兩電為電局委員王福訓壓擱未達

督憲鈞鑒野人山撤兵便於洋人不便於

國便於野匪不便於商已告張鎮黃丞矣千總張天明黃

正林保商著有成效邊外望如長城柰官小遭讒自保不

暇邊內外商民咸為扼腕職等聽睹真確若不早上聞恐

籌邊記下

一經易人即隳前功而損大局因騰越有壓電情弊故至

大理補稟文棟致堯同叩

五月十一日大理發

電稟譚中丞

撫憲崇鑒野人山為滇西藩屏向屬中國若我兵朝撤則

外兵夕入我棄彼取必為邊害張黃兩干總保商一軍已

度山外邊地倚之如長城足杜外人窺伺請勿中輟大局

萬幸文棟叩稟


上王制軍說帖一

野人山屬中國說

謹案野人山本係中國土司所分轄如隴川孟卯土司之

地以野人山外之洗帕河為界

載於舊卷麻湯麻湯野官即鐵壁關燕夷漢



董兩隘尙在其內此邊民所共知者也噴干亦作崩岡一隘亦

爲隴川孟卯兩土司之屬地其外山麓有野人墓碑上書

皇清待贈淑德陽盤同老太君之佳城爲地屬中國之明

證此亦邊民所共知者也允帽一地握古永昔董兩隘之

口在野人山外爲蓋達土司之屬地載於舊卷此亦邊民所共

知者也不惟邊民知之英人之居於緬甸者亦無不知之

是以英政府曾有以老八募歸我中國之說又許中國共

享大金沙江之利益中國土司屬地本跨有野人山以外

直瀕大金沙江者也乾隆時大金沙江外尙有內屬之孟硯孟養兩土司今且不論惟南

甸土司與舊時蠻暮土司以野人山中間之洪蚌河分界

籌邊記下

二

然蠻暮土司本係內屬乾隆五十八年八月曾換給印信

乾字一萬六千四百七號文曰蠻暮宣撫司印禮部造今印存騰越廳署不知何年爲緬甸竊

去中國漠然不問相承至今故蠻隴蠻馬打羅戛鳩一帶

地方凡在野人山以外大金沙江以內者實皆中國舊地

英所稱老八募者亦卽此處自乾隆以後緬甸與中國多

有未經清晰之界此類是也聞近有人疑及野人山非中

國屬地此言實誤不可以不辨夫英人得隴望蜀正利在

界址未定可以展拓而前然使門戶之閒險隘之口先有

防兵扼守使彼無由闖入則界雖不定而已定此則疆吏

之功無俟使臣與彼辯論者矣

上王制軍說帖

野人山保商
營應籌事宜

一山中地方遼闊兵數太少雖能制服野寨未足抵禦強鄰宜酌量再增兵額

一自蠻允至蠻隴有上中下三路從前僅爲保商專以中路爲重此時似須兼顧三路庶邊防益形完密

一從前紮營惟在洪蚌河以東其洪蚌河以西並未紮營形勢尙未鞏固此時似應一律添紮

一保路兵勇迎送商駝疲於奔命全無整暇氣象俟添足兵額之後分路紮營則兵與將皆當節奔走之勞以時操演庶期練成勁旅

籌邊記下

三

一山中土性肥沃可開利源野人游手者多似可導令種植卽兵丁操防餘暇亦可兼辦屯墾此古人實塞下之要略也

一野夷精壯者宜籍之爲團令隨官兵操演行之日久卽邊地暗增數萬勁兵矣

一保路各營全無軍器火葯一遇有事卽形束手似須核定需用之數由省給發庶可備豫不虞

一蠻隴在野人山西麓從前馬武相帶練數十人駐紮其地洋人不敢過問近年雖無營兵駐紮而張天明部下之勇丁時時護送商駝至此洋員收地稅者見兵退則來見

兵至則去其情惟怯可見查該地爲野人山門戶卽老八
募之屬地英政府早有默許與我之意今若先占其地於
山防最有裨益似須密飭保商營員規度辦理 本年過
緬甸時有人上條議請於打哩壩一帶分紮數營以握沿
邊形勢查打哩壩卽蠻隴以北沿江一帶昔所稱爲野牛
壩者也地勢極寬大可屯田實邊地之鎖鑰云

上王制軍說帖三

論騰越西路野
人山緊要門戶

謹案明臣李本固疏云夫滇南大勢譬之一家蒼洱以東
則爲堂奧騰永則爲門戶三宣蠻暮則爲藩籬也又陳用
賓疏云夫蠻莫何地也三宣之藩籬也三宣騰永之垣墉

籌邊記下

四

騰永全滇之門戶也蠻莫失必無三宣三宣失必無騰永
明人之論如此案蠻暮土司所駐之地卽今新街新街早
爲英人所占藩籬已撤門戶塞矣今所恃者惟野人山耳
嘗聞西報論野人山云此山如在華界則英兵雖滿萬不
能敵華兵之百也苟使英得此山則百英兵亦可勝萬華
兵矣其形勢緊要於此可見查野人山自南至北形要險
隘之所在不過十數處以守在外爲上策倘有一處疏
失則敵可蹈瑕抵隙而入騰永以西更無可扼之險豈非
全滇之隱患哉

一蠻隴在野山之西麓有上中下三路內通蠻允上路度

野山二百零五里中路一百六十五里下路一百八十里
現爲商人往來滇緬之通衢。本年營員張天明黃正林兩
人奉委招募練勇在山中迎送商駝名曰保商實卽防山
洵是勝著然有未盡善者假令洋人紮營蠻隴塞斷山路
之口則山防驟形喫重且貨駝出入不便捐數驟落則張
黃所帶各營費無所出當此之時防軍勢不可撤而商捐
無著不得不費國帑以養之非策之善者也及今而豫爲
之計惟有爭先下著駐重兵於蠻隴以逸待勞洋兵復來
必知難而退矣

似當卽令保商營員籌辦須山中有兵五百山外有兵五百方爲萬全 又蠻

籌邊記下

蠻隴有重兵駐紮則打哩壩一帶自在掌握中不但可爲
上中下三路之藩籬兼可扼昔馬蓋西古永各路之總門
戶矣兵既有田可種則一二年後屯政有成卽可不再費
餉也

一允帽亦在野山之西其地極關緊要有兩路內通騰越
其一古勇路其一昔董路也中度野山各二百里許古勇
與昔董之間有膏腴之地數百里俗呼爲大地方與蓋西
相連屬允帽與昔董之間亦有膏腴之地俗稱列牟疑卽
里麻舊土司地也此兩處煙戶甚稀地亦荒蕪不治若招
徠客民游勇在此開墾兼辦團練寓兵於農相爲表裏足

壯邊庭形勢允帽鈴束其外爲門戶重地無論荒地已開與否總須有重兵駐紮以握古勇昔董兩路之口查允帽係中國地其北有一路可通樹漿廠商人之業樹漿者多聚於此近年洋人屢次踏看欲竊取其地在彼以爲得此地後既有捷徑可通樹漿廠又可撤我蓋西古勇之藩籬不可不防之於豫也

一打羅亦在野山之西爲昔馬路之門戶內通蓋達干崖其地瀕江湖流而上八日至猛拱順流而下五日至新街最爲衝要之地沿江陸路北通允帽南達蠻隴亦爲中權扼要之地此處應有重兵駐紮以扼四達之衝與允帽蠻

籌邊記下

六

隴各營首尾相應且可固蓋達之門戶一舉而三善備焉矣以上三處實爲野山西面三大重鎮倘失此不守縱敵入險則沿邊數千里防不勝防後來邊事必更形棘手矣上王制軍說帖四

論騰越南路野人山緊要門戶

一崩岡寨在野山之腰西距八暮街即新街約八十餘里一天可到

最爲衝要之地此處應駐防營以扼猛卯隴川芒市遮放各土司之門戶自緬甸之新街硤洞兩路入滇皆必經此險其外山麓有漫睢

寨距崩岡約十五里又爲崩岡寨之門戶應分立一子營

爲崩岡大營之外護案崩岡寨野夷頭目曾受中國頂戴其心堅向中國英人呼之不至故憾

之甚深曾用兵三年攻破之僅肆擄掠而去不敢駐兵其地

一麻湯寨卽鐵壁關之口亦在山腰西南距入暮約九十餘里亦一天可到此處應駐防營以扼干崖隴川戶撒腊撒各

土司之門戶惟麻湯左近另有一要害可通出入者曰漢

董寨近日探報稱爲狼東亦在山腰原中國地本年四月間英忽越

界駐兵於此僅四五人此寨分兩路一通隴川戶腊撒等處

一通猛卯遮放芒市等處實爲門戶要地臥榻之側有人

鼾睡寇已深矣患在肘腋查中緬交界係在麻湯漢董兩

路之外野山之西麓所謂洗帕河者也騰越同知黃炳堃

嘗立界碑於此聞碑已爲英人轟裂今當就其地建一大營以總扼

麻湯漢董兩路之門戶與崩岡大營同爲重鎮則騰越南

籌邊記下

路邊防始爲完密以上各險要共四處如有一處未經設防

則別處所設者仍屬無益也案麻湯卽麻塘一作罵灘其野夷頭目卽鐵壁關撫夷排

天貴也

此專就南路言之因其去新街尤近故先爲籌及以備採

擇從前岑制軍任內辦理隴川干崖等處邊防以杉木籠

及虎踞山兩地爲重鎮乃是內險非沿邊門戶要害也苟

使頓兵於此以爲野山駐防各營之援應斯乃得之如欲

此抵禦強鄰則外險先失終亦難守卽以西路言之如蠻

允一路不守山外之蠻允昔馬一路

不守山外之蠻抹打羅而僅守山內之昔馬蓋西一路不

守山外之翼鳩允冒而僅守山內之蓋西亦必無益內險與外險之別耳。夫雲南爲川陝兩湖之屏蔽野人山又爲雲南之屏蔽必野人山無恙而後雲南安必雲南無恙而後川陝兩湖皆安。一山之所係非淺尠也。華洋消長之機西南半壁所倚胥在乎此一爭地勢不使人扼我吭二爭天時不使人占我先野人山雖南北綿亘極形遼闊而西北北路扼要之地不過數處措置似尙易易至西北路山中俗稱爲樹漿廠延袤至千八百餘里物產極饒號爲陸海固不可棄以資敵尤須剏立大營以爲極邊之重鎮容再詳籌候奪

籌邊記下

八

制軍批答云尊議一併暫雷明日當商之序帥迅卽照辦也

上王制軍說帖五

永昌順甯邊外麻栗壩班弄兩地節略

一麻栗壩在潞江之東扼江爲險與鎮康耿馬兩土司接壤堪爲兩土司之藩籬其地舊屬木邦乾隆以前本中國屬地後淪於緬今有土目楊國正者係中國人占據其地經緬王允其世襲緬亡後曾遣人至永昌投誠前晤永昌官吏多述及之按由永昌出姚關走鎮康孟定由順甯走耿馬皆至麻栗壩實爲通緬大道與木邦隔一潞江有險可守不但爲鎮康耿馬各土司之藩籬實亦永昌順甯兩府之總門戶也

永昌至麻栗壩

凡八日程云

案制軍見此說帖卽令雲南知府陳燦函告永昌知府
鄒馨蘭相機辦理迨鄒陳會商稟復則以地屬木邦不
便越境爲詞後據永昌土人聲稱麻栗壩係孟定地非
木邦地其云木邦者舊係鄒守假設之詞當初不知故
說帖中亦

沿其說

一班弄在麻栗壩之北與孟定土司接界其地勢極爲險
要當潞江及兩支江交叉之處又當兩山之坳本葫蘆野
王地迤西回匪逃聚於此貿易營生尙稱安分聞其初次
逃出時係馬二爲頭目前年有頭目安姓者曾遣人至永
昌協處投誠自願永駐班弄爲中國保守藩籬不願調至
別處等語其信係投交邊地汛官轉遞來使亦不敢親至

籌邊記下

九

永昌按孟定至班弄二站鎮康至孟定三站亦爲永昌順
甯通緬之要道近日據探報云現在頭目名丁金猛有兵
二千餘名居民八千餘戶皆是回子春間洋員勘界到此
有互相煽誘之意若不早爲招來恐爲洋人所用此滇省
肘腋之患也

有商人云班弄有中國城一座
凡十二門係乾隆時糧台所在

奇薛星使節略

光緒十二年三月新街英官顧某帶兵數百名攻益干野
寨不克而還至十五年三月新街英官夏某購得鄉導帶
兵潛由小徑突攻益干竟破其寨按益干爲中國猛卯土
司所屬邊界

光緒十六年正月二十一日英副使貝得祿偕巡道提鎮等帶兵四百名上麻湯野山並漢董一帶探視地形二月十二日回新街按麻湯即隴川土司所屬之鐵壁關也漢董亦隴川屬地

光緒十六年三月英員由新街發兵二百五十名攻后崩野寨至四月攻破按后崩係猛卯土司邊界

光緒十七年正月英員帶兵至漢董踏看營地三月間又帶兵覆看路徑至四月初七日發兵四百餘名由新街到漢董十一日到出其不意將該處野寨燒燬即蓋起兵房數間戍兵四百名據探報人云其駐兵處離猛卯隴川兩土司

籌邊記下

十

各三十里許在山上可俯視兩土司城內民房一切

按以上各條係英兵越界入犯土司屬地因其兵來仍退並未久畱滇邊將吏顧全邦交置不與較本年英兵入駐漢董已將半年未見退出似須告明外部在先倘日後釀成釁端其曲本在彼也至邊內地名英人亦用緬文及擺夷文並無英文可查合併聲明

上王制軍說帖兩件

鐵壁關撫夷排天貴初聞其有不受洋人三萬元之說係邊內有人稱道其事據某某等在緬甸曾見排天貴與洋員通信大有兩邊討好之意其人未必可靠三萬元之說

或其託詞誑漢亦未可知以文棟愚見言之麻湯漢董崩
干一帶野山爲目今中外界限所係洋人屢次深入其意
原欲撤我藩籬總當早設防營以爲固圍之計無論野官
等可靠與否但使防營旣設効忠者得以庇護而懷二心
者亦正可鈐束矣且此處野山向爲孟卯隴川兩土司屬
地素隸版圖與蠻隴附近之野山未定主屬者尤有區別
駐營設防之舉似屬名正言順在洋人亦不能藉口啟釁
也

案黎永稟內南布地方係麻湯內一重門戶聊足照顧麻
湯布置原亦無悖惟其鄰近一帶另有漢董卽恨東及益干

籌邊記下

十一

卽崩兩路亦爲出入要道非南布一軍所能兼控未經籌
及是爲疏耳聞張舉人成濂現與永昌在籍都司杜秉陽
商擬在益干路分走貨駝使華人出入此路者多亦聊爲
固圍之一助蓋益干路本係從前緬甸貢象之大路乾隆
時征緬有老官屯一路亦卽此路也近因商駝全趨蠻允
故此路漸成冷落耳杜秉陽早經棄官爲商蓄駝最多故
張成濂欲令其分幫走此路也

上王制軍說帖

竊職道前籌允帽一路爲騰越西北路最緊要之地惟念
離騰太遠孤軍出駐深以後無援應爲慮正切躊躇今聞

正泰聯絡羣夷既至雷座地方則已與允帽聲氣通接孤軍出駐可無後顧之憂矣日前憲諭謂悶正泰來歸正大有用處至今日而已驗雷座野目支單都力卻洋人自稱須奉

聖旨方敢遵從等語蓋中國屬地本至允帽而始盡

自吳鳩以下屬蠻暮土司雖是中國舊地目前尚未分明

雷座野目當大路之旁非他夷僻陋可比故猶能自知爲中國地也查各野目所屬戶口壯丁寥寥無幾各分畛域散而不聯洋兵到時勢力不敵仍恐其折入於外洋若聽其自爲則雖一時招徠仍屬無益今仍當駐兵允帽不但禦洋人之侵界又可護內屬之諸夷以一軍而得兩用策之善者也蠻允現成腹地駐防之兵不過專爲緝私之用似當移緩就急令其出駐邊界查洋鹽入境必過野山山外各路防營仍可帶辦緝私不致偏廢也

上王制軍說帖

頃接緬甸來信述知英人三路駐兵已有明文雖以緝私爲名實有扼吭之勢其所謂三路者即職道前次說帖內所開之五路也麻湯卽鐵壁關本中國地其外山麓有洗帕河爲近年中緬分界處砮洞路由奔岡一名盆干入口奔岡亦中國地山下墓碑彰明可證洋人亦既知之此兩路相

近故合爲第一路也蠻弄係蠻暮舊司屬地

此乃中緬未經清晰之界

卽今保路各營之外口此其第二路也其第三路所謂江

干路者卽職道前開之允帽打羅兩處也相傳打羅亦蠻

暮舊司地

此亦中緬未經清晰之界

允帽則屬於盞達本中國現屬之

地載在舊卷此地亦甚緊要英人嘗密議欲由孟拱築鐵

路通至允帽而後繞過野山出盞達經河邊路

一名下路爲蠻允二

路之一

以通新街此次駐兵卽其嚆矢矣似應電知騰越廳

鎮先令守住邊界勿任闖入致貽後悔彼以緝私爲名吾

以保商爲名兩無可開之隙騰越現有防軍數營何妨移

九月十五日

善邊記下

三

上王制軍說帖三件

竊以盞西悶氏屬地直至江干自明至今未嘗改動蓋因
偏北地僻故緬人從未侵入明史及

本朝記載雲南志乘歷歷載明較之麻湯噴干僅據邊民

口碑者證據更爲確鑿視洪蚌河一路界址含糊未清者
情節亦殊文棟實已考之甚詳非敢妄逞臆說昨見張鎮

電稟欲俟洋人至神護關而後以界址善言告之無故棄

此橫縱數百里之地皆係險要所在實屬萬萬不可務祈

大人於電復時斟酌出之此節於邊務界務極有關係文

棟所不敢明知故默者也張鎮在騰久爲邊民唾笑實因見地過於庸闇不知國計輕重之故貽誤大局已非一端似須廣加諮詢別籌區處之方卽勝策在此矣

謹案明人築關未嘗以關爲界蓋邊地險要皆在關外故耳神護關外之地從來未嘗屬緬試詢之兩國邊民口碑具在也大抵滇緬閒界址無定乃以土司之去畱向背爲轉移而土司所有之分地則皆隨之未改據志乘所載南甸屬地直至江干至今南甸未亡何以竟指其屬地爲棄地乎夫區區關外數百里之地去之亦何損於中國之大而文棟必數數瀆陳者實以險要所在棄險卽無異棄騰

籌邊記下

古

棄騰卽無異棄滇故耳近日如麻湯洪蚌河各路皆已經憲台蓋籌布置可無深患而西北一路猶未及運籌恐致如蟻穴之潰全堤不可不慎且文棟愚見亦非欲用兵以與洋人爭此土也但以爲當據舊志電告出使大臣詰問其政府則一言之下亦可以折其機牙其次令騰越廳致函新街告以界址所在則彼或自知斂戢矣蓋以兵守界貴在事先而片語折衝亦未必無補於事後耳夫邊將以偷安爲便有卸責之心故以守關爲請善後局司道不加考察隨聲而附和之當此羣言厯雜之時雖大舜之聰猶或有所蔽文棟心知其故苟身畱滇中而不言實無以對

諸邊是以不避屢瀆之嫌再陳邊將之不可輕信關外屬地之不可輕棄務請大人三思行之

再英人越界強占一節如電請總署詰問則公私皆占先著以公言之可申明界址之所在日後免致喫虧以私言之亦辦事者預占地步之法不致後來應付爲難蓋當初以早駐兵爲先著此時以早致詞爲先著也一面仍須電知出使大臣告其政府此乃釜底抽薪之法最關緊要蓋邊地一二洋員規利圖功事權得專故銳於進取往往俟事成而後上告故議院無不允從若於此時逕達其政府則必數十百人集議允者半不允者亦半而事多牽掣矣

籌邊記下

五

邊吏輕量華人故跳梁喜事議院重開邦隙故必以無事爲福其用意迴殊近數年英兵迭次越華界焚掠必其政府所未聞正當告之使知則後來自當斂戢矣又英人無理逞強固緣華官隱忍無言早示之弱亦以地當偏僻他國不能聞知故縱恣無忌至此若能將此中情節布之各國新聞則清議公論必有羣起而斥其非者是亦不戰屈人之一術也十二初三日

制軍批答云尊議英人越界必須電知總署及今騰應致函新街兩節自是題中應有之義亦必應如此刻已飭局速電黎丞再將此次越界詳細情形及地名道里即日電覆俟覆到卽當照辦

稟總署堂憲

敬稟者去年正月職道在外洋交卸俄德等國差使後奉
辭星使劄委查看印緬商務及滇緬界務於正月二十八
日由法國馬賽搭趁公司船啟程二月十七日抵錫蘭換
船北行入孟加拉海二十日抵本第舍黎二十一日抵馬
達拉斯二十五日抵加爾各搭皆印度商埠三十日換船
東行三月初三日抵漾貢又換船北行入伊勒瓦諦江十
五日抵阿瓦又換船二十二日抵新街皆緬甸商埠印緬
兩地近赤道之下春時酷熱較之內地暑月尤盛入境後
肌膚發赤每日須以涼水澆洗謂之衝涼日當午時頭目
眩暈幾若昏迷蓋古所謂身熱頭痛之國卽其地也四月

書邊記下

六

初五日由新街換小船入大盈河初六日抵蠻隴是爲野
人山之西麓初七日登山山中皆赤髮野人所居地形極
險爲中外之界限謝清高所云峭壁不可梯繩弱水不任
舟筏陳天祥所云上如登高下如入井者也初十日抵蠻
允是爲野人山之東麓過此則一望平夷無險可扼矣十
三日抵蓋達十四日抵干崖十五日抵南甸皆土司屬於
雲南者也十六日抵騰越始爲雲南邊境渡龍江路江瀾
滄江皆極邊煙瘴之地至五月二十七日始抵雲南省城
是役也在歐洲陸行四千餘里海程入亞洲共行三萬八
千餘里行大江中三千二百六十餘里山程二千餘里歷

時四月有奇漢諸葛表云五月渡瀘深入不毛唐人詩云五月雲南萬里行皆極言其地形之險天時之惡而職道以勘界至此備嘗艱險幸不爲瘴癘所侵非上賴

國家威福何以至是職道竊查雲南西南兩路邊防以永昌順甯普洱三府及騰越龍陵緬甯威遠思茅他郎各廳爲門戶而皆以緬甸爲藩籬自英人得緬藩籬撤而門戶塞矣所幸者猶有野人山之天險可以限隔中外若使野人山爲英所得則英可長驅而入雲南有高屋建瓴之勢而雲南更爲可扼之險矣職道入滇後稽之志乘舊卷並訪之邊民口碑乃知野人山實係中國現屬各土司之分

籌邊記下

七

地皆在雲南界內非歐脫比也夫目論之士以爲雲南天末遐荒不關形要而不知雲南實有倒挈天下之勢由雲南入四川則踞長江之上游由雲南趨湖南而據荆襄則可搖動北方顧亭林郡國利病書嘗極言之矣況今有印度緬甸以爲後路之肩背則形勢更勝於昔英之覬覦雲南非一朝夕矣夫雲南之得失關乎天下而野人山之得失關乎雲南能保野人山則雲南安能保雲南則天下皆安一山之所繫實不淺也職道抵緬甸時英人懇懇致意欲以兵相送窺其意乃欲藉名以入野人山耳故職道婉言以辭之其後兵已追至蠻隴職道仍麾之使回彼時

與職道偕行者惟一繙譯別無隨從之人所謂單車之使耳然英兵數百大將二人惟職道之命是聽不敢以威力相強者無他山在中國界內折之以情理耳不意其以詭詞欺誑衙門終有攘取吾界內野人山之意而職道亦難終其事所冀日後勘界大臣明於地勢善爲說辭剛柔得宜挽之於既往則大局之幸也夫雲南昔與緬甸爲鄰緬小國也未足爲患今與英吉利爲鄰英強國也貌和而心叵測豈可不防其未然籌之於豫哉查自騰越龍陵二廳度野人山以通緬甸山中共有九道皆匯於新街新街者中國蠻蕃土司故地也乾隆間所頒印信至今具存昔年

籌邊記下

文

曾侯使英欲索回新街以爲邊庭之重鎮可以扼門戶之總樞自新街淪於英於是職道有保守野人山九道之議蓋己是防邊中策矣而滇中司道鎮將貪利徇私堅持異議卒至天險驟失敲踞上游深可惜也至英所謂揮人在潞江下游東者卽中國乾隆時土司孟良木邦等之地在緬甯威遠思茅他郎各廳邊外昔年英庭曾許歸於我今雖游移亦尚未設官駐兵自緬甸渡潞江入思茅共有三道孟良瀕江總扼其衝亦邊外之重鎮也職道嘗論新街孟良之於雲南如鳥之有雙翼新街蔽山爲險屏衛其西孟良扼江爲險屏衛其南又皆商市聚集之地也權其財

可以裕餉練其民可以成團地利人和交相爲資然後垣墉固而雲南如在堂奧可以高枕無憂今若棄此兩險則雲南固無萬全之策矣又野人山之北有甌脫之地千七八百里相傳爲明時茶山里麻兩土司之故地今亦野人居之既未屬華亦不屬緬職道在邊外詳查地勢由彼入華有三道一道通西藏一道通四川之打箭爐一道通雲南之永北廳若使日後爲英所并則三省邊防疲於奔命實爲一大隱憂山中產黃果樹百千萬株外洋購買其樹中之漿以爲器皿凡可收放寬利源極大每年權稅可得十萬有奇又有金礦兩處礦苗極旺以雲南民貧地瘠而

籌邊記下

九

邊外有此沃饒不取以爲資而棄之以資敵甚非計也職道前過野人境內聞者咸疑爲險途可畏而豈知壺漿載道婦孺爭迎野官負弩執鞭咸有求庇之意彼亦恐洋人之見偪耳其遠處樹漿厥之頭目亦遣使奉書譯其詞意自稱本是漢民願仍隸漢籍等語職抵滇後曾爲諸大吏言之然非常之舉雖明知有益而懼于

朝廷詰問莫敢決也職道此次從邊外入關勘界籌邊之苦心滇民人人能諒事機中阻扼腕者何止萬人然職道本是散員亦第能盡其心力之所能至耳

復薛星使書

敬稟者職道於本年正月間道出巴黎蒙憲台劉委查看
印度緬甸各埠華商情形並密探雲南邊外與緬甸交界
地勢啟程後業將查看沿途商務及應辦事宜歷次稟陳
在案嗣奉鈞電諭令將勘界情形速行詳稟以便循例出
奏等因遵查職道自查看商務完竣後於四月初五日由
新街啟程入滇溯大盈江東北行大盈江者自騰越發源
與檳榔江合流至新街之北而入於大金沙江者也初六
日抵蠻弄登岸是爲野人山之西麓初七日度野人山山
中野人皆中國土司所轄職道初疑卽赤髮野人陸阻地
細考之乃知其非蓋赤髮野人尙存此山之極西北所謂
陸阻地者已接藏境矣大盈江穿越此山而過江以北爲
蠻哈山俗稱象鼻子江以南爲南牙山皆載於滇志初十
日抵蠻允是爲野人山之東麓至此始出險矣十三十四
十五等日過蓋達干崖南甸皆現屬騰越之土司也十六
日抵騰越至五月二十七日抵雲南省城自巴黎至此在
途凡四月有奇雖備極險艱而上賴

國家威福得以無恙查職道所經雲南邊境皆係西路在
永昌騰越龍陵之外其外以大金沙江爲天險其內以野
人山爲天險皆所以限隔中外者也職道詳查乾隆時滇
緬老界西包孟拱孟養在大金沙江之外西南包蠻暮木

邦孟密在潞江大金沙江之間其南有江自潞江通入大金沙江爲滇界盡處俗亦稱爲潞江蓋潞之支江也道光以後木邦等土司潛爲緬甸所誘中國置之不問是以現屬騰越之土司惟有南甸隴川孟卯干崖蓋達現屬龍陵之土司惟有遮敦芒市等皆爲臨邊之地蓋已蹙地數千里矣職道查自無勉龍陵度野人山以通緬甸大略有九道皆匯於新街新街者騰越土司故都也若能如曾侯原議索回新街以扼野人之總樞是爲防邊上策新街既淪於英而不可返於是職道有保守野人山九道之議守吾界以遏其闖入猶不失爲中策若并九道不守舉野人山而棄之則日後邊防無險可扼雖使孫吳復起亦無策入此專就西路言之也自西路而外更有南路北路皆關緊要南路車里土司之外爲乾隆時土司孟良整欠等之地卽英所謂揮人在潞江下游之東者車里與孟良相接處僅有小江數道無險可恃惟孟良在潞江之濱爲邊外重鎮又係商貨四集之大埠由緬甸渡潞江而犯思茅普洱本有三道孟良總扼其衝實爲要地職道嘗論新街孟良之於雲南如鳥之有雙翼新街跨山爲險屏衛其西孟良扼江爲險屏衛其南皆形勢必爭之地若棄此兩險則如無翼之鳥就擒必矣昔年英廷欲舉潞江以東悉歸於我

蓋卽指孟良整欠等之地而滇中督撫誤以下游爲上游遂疑英人有叵測之心不肯輕許不知此地本屬中國於雲南邊務甚有關係柰之何其遲疑不決也北路在野人山之北有甌脫之地千八百餘里相傳爲明時茶山里麻兩土司之故地今亦野人屬之旣不屬華亦不屬緬職道在邊外詳查地勢由彼處入華有數道一通西藏一通四川一通雲南之麗江永北等處若使日後爲英所得則三省邊防疲於奔命實爲一大隱憂山中產黃果樹百千萬株多難勝計俗呼其地爲樹漿廠外洋購買其樹中之漿以爲器皿凡可收放寬緊者皆是計此樹每株所出之漿

籌邊記下

三

年可得小洋四百餘元利源極大其間又有金礦兩處礦苗亦旺以雲南民貧地瘠而其邊外乃有此沃饒不及今取以爲資而留之以資敵甚非計也且樹漿一物爲外洋所必需其權自我操之則亦可藉以制馭英人如康熙時俄人仰給我茶葉大黃卽借此二物之微以施操縱之術也職道前過野人境時聞者或疑其猙獠可畏而豈知壺漿載道婦孺爭迎野官負弩執鞭咸有求庇之意卽遠處樹漿廠之頭目亦遣使奉書譯其詞意自稱本是漢民願仍隸漢籍等語彼皆恐洋人之見逼耳以上三節皆係雲南邊地之要務不可不於勘界之先熟籌而審處之西路

之野人山本係現屬土司界內之地有數百年新舊志書可據此當折之以情理者也南路潞江以東之孟良整欠等地爲乾隆時舊土司英人嘗議歸於我案懸未定此當引申初議者也至北路之樹漿廠距緬最遠向未屬緬而所關於我三省邊防者甚大按公法云遇荒地不屬邦國管轄者無論何國皆得據爲已有此當以兵力豫占可以先入爲主也職道奉委密查邊地界址踏勘既周詢訪記詳不得不悉心籌畫質之邊地耆民及有識之士僉以爲然故職道此番勘界籌邊之苦心邊民人人能諒而雲南省垣距邊已遠京師距雲南更遠燭照所不能及惟有據

籌邊記

三

實稟請憲台奏聞

朝廷以爭先着而杜後患輦數千里之邊防爲億萬年之久計庶免日後有悔而歎先見之無人邊地幸甚大局幸甚

再復薛星使書

敬稟復者職道自奉憲台委查緬界入滇嗣經雲貴總督畱辦邊務凡勘界防邊各節熟籌統計其要有三一野人山爲雲南西路之屏障也形勢險要之所在門戶之所繫此亦如陸抗所云有警當傾國以爭者山中及山以內山以外多有膏腴沃饒之地或以兵屯田或招佃開荒而練

圍自保均不必大費兵餉而可以實邊固圍野人本樂爲
我用居則行保甲之法出則行束伍之法亦可得精兵萬
千地利人和交相爲資此一要也今雖事機已失英兵闌
入山中全山爲其所占然此山向不屬緬係我現屬土司
界內之地載明志乘誠使後來勘界大臣詳查地勢以情
理折之則挽救亦易事耳倘英人不顧情理并可質成於
他國俄法皆能助我以抑英也所慮者勘界之時含糊默
許仍安退讓則此山再無收回之期而雲南危如累卵矣
一路江下游以東之地爲雲南南路之屏藩也查普洱所
屬之車里土司與邊外孟艮土司情聯姻婭勢如唇齒孟

籌邊記下

十四

艮本我舊屬樂於內附英人嘗欲以擇人歸我卽其地也
現查南路邊防無險可扼難禦強敵必須收回潞江以東
形勢方爲完善此又一要也該處土司富饒足以自給但
照騰越七土司之例待之自可相安無事別無所難目下
英兵蹂躪滇邊已徧於西路獨置擇人不卽經理殆因初
議未定畱以有待耳所慮者日後勘界仍以不貪爲名不
肯收受此地則雲南西南兩面均有受逼之勢腹背夾攻
何以自存且潞江下游現通輪舟不難溯江上駛一旦有
變易如剖竹此雲南之隱憂深患也一野人山北之樹漿
廠爲雲南北路之屏藩又爲四川西藏之屏藩也滇緬之

交乃百物菁華所萃有琥珀礦有翡翠礦有玳瑁礦有紅藍寶石礦不出孟砮孟密兩土司境皆乾隆時屬地前明嘗遣內監掌之近年已淪於英又有準木廠火油井廠亦在七大利源之數盡爲英轄惟樹漿廠距緬最遠尙未爲英所得查樹漿一項惟亞非利加及此山有之亞非利加漸已告竭而此山正在方興之際華商入山採運者不下千餘人其中亦有成聚成邑之處如由大金沙江外之孟砮上山則以護砮爲門戶要地由大金沙江內之允帽上山則以三鴉砮爲門戶要地而其都會所在則曰坎底由此北通西藏東通四川雲南吾若先占此地可以筦三省邊廷之鎖鑰而邊外七大利源亦可分取其一中自有兵五千人散布要隘自足彈壓野人抵禦洋人矣其間又有金礦二處準木廠數處皆可招商承辦得其地足以固邊因其利足以富國此又一要也所慮者日後此地爲英所據則逼近雲南之麗江一府及永北騰越兩廳騰越旣添一患而麗江永北等邊防都形喫緊且川中藏中都未知有此間道一旦英兵分途而入川藏人見之必將驚駭出於意外矣職道竊見滇中大吏因離京太遠小心過甚遇有洋務牽涉必請示於總署暨北洋大臣俟命而後舉行竊意總署北洋去滇萬里何能周知邊情曲折又竊見滇

中官員惜於邊務殊少獨醒先覺之人竊意日後勘界大臣來從遠道更難必周諮博訪動協機宜擬請憲台將職道原稟情形轉咨總署暨北洋大臣處存案以備勘界時考核之用或於邊務界務不無土壤涓流之益伏候卓裁
寄薛星使書

敬稟者自去年至今英人開通西藏道路計有兩處一曰阿桑在東印度與緬甸之間向猶阻隔去年三月初文棟行抵緬甸英人正在此處用兵從緬甸之格薩地方

即南沙

開築鐵路前行華商勒當苦役卽其事也聞此地已於本年開通從此五印度之火車可通至緬甸全國而又得入

籌邊記下

五

藏之間道英人自以爲一舉而備數善此在緬甸西境通藏之道路也一曰坎底在騰越野人山之東北卽文棟前信所稱爲樹漿廠者此處東北通至四川之打箭爐東通雲南之永北廳北通西藏英人現欲推廣緬地火車直至其地由此可以縱橫四進亦自謂一舉而備數善此在緬甸北境通藏之道路也其層層布置多在藏境之外恐藏中必未覺察一旦鼓行而入不但倉猝無措亦爲藏人夢想之所不到擬請閣下移知駐藏大臣早爲之備實爲先事預籌之要策至該兩處通至藏中何地此間現無善本地圖未能詳確不敢臆斷也

自跋

文棟捧檄勘緬界入滇凡爲論說考辨若干首其繫界務者端爲一編書其後曰英廷初意滇之西欲與中國分大金沙江爲界故有以老入募爲中國之說又有兩國同在拱寶石井也滇之南欲分潞江下流以爲界故有以揮人諸地歸我中國之說蓋猶慮我欲索還潞江以西之孟密寶石井也在英人之初念則然也遷延數年中國迄無定論彼已窺知我地學之蒙昧矣方英兵之入緬也告我曾大臣曰緬王無禮於英故廢其王及其據緬以爲己有也

籌邊記

一

新學書局刊

又告曾大臣曰緬與法立約有害於英公法國存則約存故廢其國果爾則盡緬之境而已何與他土司哉此當執詞以責之者也英初得緬猶自知理曲故有立教王依舊納貢之說又曰見中國兵所在卽視爲中國地不再入於是自阿瓦探新街無中國兵而後入自新街探孟拱亦如之彼自以爲盜亦有道也惜乎滇中當時無人能折其機牙也夫馬武相一回民耳聚十數少年扼老入募以保商路英人見之不敢過問也黃正林張天明兩千總耳以土勇二百人保商路出入野山直至老入募而止英人聞其來且相引避也邊內邊外夫人而之知者也古人不云乎

物必自腐也而後蟲生之苟非自相摧殘焉能奪我沿邊險要數千里之野山若斯之易哉且夫邊地之要亦在乎三強耳兵力強一也民氣強二也人才強三也新疆肅清之後俄人拱手而還伊犁畏兵力之強也安南之役法人擾閩而不敢擾粵畏民氣之強也至於人才之強不必遠徵也觀於黃正林張天明而可知矣假令邊地當時司閩者亦能如是也守郡者亦能如是也彼烏敢輕我邊內無人而唯其所欲爲哉然則地利人和交相爲資蓋不可闕一者矣文棟此編專言地利未及人和故撮其大旨補之於此壬辰九月上海姚文棟識

